

Мария Евсеевалан — 70 ий

Мария Тимофеевна Евсеева Морко районысо Азялеш 1920 ий 21 декабрьште служащий ешеш шочын. Ачаже — ялысе туныктышо. Тидын деч посна республикыштат да őrдыжыштат тудым мари этнограф, краевед семын палат.

Шочмо ялыштыже Мария Тимофеевна церковно-приходской школым тунем пытара, вара — Морко педагогический училищым. Туныктышо специальностьым налын, районысо тўрлő школлаште ышташ тўгалеш. 1952 ийыште Марий педагогический институтым заочно тунем пытара.

Первый ойлымашыжым 1936-шо ийыште «Ямделий» газетеш савыктыме. Ялысе илыш нерген ойлымашыже ятыр. «Родина верч» альманахыште, а варажым «Ончыко» журна-

лыште Кугу Отечественный сар ийлаште самырык-влакын геройла пашам ыштымышт нерген каласкален.

Печатьыште «Илыш савыра» повестьше лекме деч вара Мария Евсеевам кумдан палаш тўналыт. Тыште тудо революций деч ончыч ўдырамаш правадиме улмыжым Марфушан образше гоч ончыкта. Вес повестьын геройжат, Сану, куштылго илышым ок иле. Шке тыршымыжлан кōра гына айдемыш лектеш да пагалыме енлиеш.

Айдемын шакше койышыжо ваштареш, чынлык верч кучедалме нерген «Трактористка», «Коя пормо» ойлымашлаште художественный образ гоч каласкалыме.

«Шўм ок шонгем», «Оласе уна», «Чын сега», «Корнышто», «Тайра»,

«Омо» да моло ойлымашлаштыже ял илышым чын сўретлен. Шке произведенийлаштыже тудо калык ойым, калык творчеством кумдан кучалтын. Нōрб литературный йылме дене серыме. Персонаж-влакат онгай улыт, лудшын кумылжым савырен кертыт.

Мария Евсеева ойлымаш да повесть-влак сборникым «Илыш савыра», «Илышын чеверже», «Ўдыр йолташем-влак» савыктен луктын. Тидын деч посна «Аваже ден ўдыржō», «Мондалтдыме корно», «Шулдыран жап» повесть-влакым посна-посна савыктен. Икмынержым башкир, татар, чуваш да моло йылмылашке кусарыме.

Писательын ўмыржō 1970 ийыште кўрылтын.
З. АНИСИМОВА.